



UNIVERZITET U ZENICI
- R E K T O R A T -
Kancelarija menadžera za kvalitet
01-105-005-2659/14
Zenica, 10. 09. 2014. godine

Z A P I S N I K

sa 09/2014. sastanka Odbora za kvalitet Univerziteta u Zenici
održanog u utorak, 09. 09. 2014. godine, u 11,00 sati
u Rektoratu Univerziteta u Zenici

Prisutni: prof. dr. Darko Petković, prorektor za međunarodnu saradnju i osiguranje kvaliteta; prof. dr. Mirsada Oruč, prorektorica za finansije i razvoj; v. asist. dr. Ibrahim Plančić, QA menadžer UNZE-a; Mediha Arnaut, generalni sekretar; v. prof. dr. Malik Čabaravdić, prodekan Politehničkog fakulteta; doc. dr. Adnan Mujkanović, QA menadžer Fakulteta za metalurgiju i materijale; doc. dr. Esmir Halilović, QA menadžer Islamskog pedagoškog fakulteta; v. asist. mr. sc. Denis Spahić, QA menadžer Mašinskog fakulteta; Aras Borić, voditelj Univerzitetske biblioteke; doc. dr. Bernard Harbaš, QA menadžer Ekonomskog fakulteta; Amra Muslić, koordinatorica Ureda za međunarodnu saradnju; v. asist. Mirza Oruč, MA, QA menadžer Zdravstvenog fakulteta i ECTAS koordinator UNZE-a; i Lamija Subašić.

Za sastanak je usvojen sljedeći:

DNEVNI RED

1. *Inicijativa za izmjenu Procedure za prijavu, odobrenje, izradu i odbranu doktorskog rada i Procedure za prijavu, odobrenje, izradu i odbranu magistarskog rada*
2. *Analiza i pravci daljnjih QA aktivnosti nakon eksterne evaluacije UNZE-a od strane Komisije HEA BiH*
3. *Razno*

Ad. 1.

S obzirom da su doktorske disertacije, kao i magistarski radovi, javno dostupni, treba da su objavljeni u formatu pdf. Komisija za eksternu evaluaciju zamjerila je nedostupnost doktorskih disertacija na našoj univerzitetskoj web-stranici. Stoga treba formirati repozitorije (zbornike koji daju pregled ovih radova). QA menadžeri i bibliotekari će na CD-u dostaviti radove sistem-administratoru, koji će ih dodati u odgovarajuće repozitorije (magistarskih radova ili doktorskih teza). S obzirom da se radi o naučnim doprinosima, mogu se objaviti i radovi koji su prije odbrani. Zapravo, sve što se može dobiti, jer će objavljivanje polučiti bolji plasman UNZE-a na Webometricsovoj listi, a također će ojačati i sektor nauke. Stoga, što više podataka na web-stranici UNZE-a, to bolje, jer se tako kvalitativno podiže nivo UNZE-a i svih OJ. Za sljedeću sjednicu Senata, radni tim u sastavu: prof. dr. Darko Petković, v. asist. dr. Ibrahim Plančić, doc. dr. Spahija Kozlić ili doc. dr. Bernard Harbaš (iz oblasti društvenih nauka), te doc. dr. Nebojša Vasić (iz oblasti humanističkih nauka) pripremit će u narednih petnaest dana potrebnu dokumentaciju. Također treba provjeriti kako je pitanje vidljivosti i javnosti magistarskih i doktorskih radovi riješeno na nivou BiH.

Radi prepoznatljivosti radova nastalih na UNZE-u, v. asist. Oruč Mirza, MA, predložio je da se izradi uputstvo za tehnički izgled magistarskih i doktorskih radova. Generalni sekretar Mediha Arnaut podsjetila je da je već na proširenom Kolegiju prihvaćeno da se izradi ovaj dokument te da je Senat imenovao Komisiju za tehnički izgled završnih radova, a također je donošenje jednog ovakvog dokumenta zadatak za sve fakultete.

S Mašinskog fakulteta došla je inicijativa da doktorski kandidati više ne dostavljaju petnaest (15) primjeraka doktorske disertacije, već šest (6).

Procedura za prijavu i odbranu doktorske disertacije morat će biti temeljito pregledana. Tokom izrade nove verzije treba konsultovati Salcburške kriterije i doktorande koji pohađaju doktorske studije izvan BiH.

Data je saglasnost na Plan za upis na doktorski studij na Pravnom fakultetu za godinu 2014/2015. i još se čeka sjednica Senata.

Ad. 2.

Predstavnici Ministarstva za obrazovanje, nauku, kulturu i sport ZDK-a i Agencije za osiguranje kvaliteta u visokom obrazovanju (HEA) BiH prisustvovat će ceremoniji uručjenja akreditacije UNZE-u.

Komisija stručnjaka dostavila je UNZE-u pozitivno napisan izvještaj radi pregleda i eventualnih primjedbi. Na osnovu toga je QA tim već poduzeo mjere (i ova tačka je na tragu tog izvještaja) i nastaviti će raditi i u sljedećoj godini na poboljšanju stanja, a svi prijedlozi i sugestije u vezi s mobilnošću studenata, boljom saradnjom s privredom i uspostavljanjem alumni-mreža su dobrodošle.

QA menadžment Pravnog fakulteta počeo je razvijati alumni-mrežu i treba održati sastanak s njima, jer njihovo iskustvo može biti jako korisno. Za uspostavljanje ovih mreža mogao bi se nabaviti i neki jeftiniji softver. Jedno vrijeme je i Mašinski fakultet imao uspostavljenu i aktivnu alumni-mrežu od oko 600 ljudi. S jedne strane, sigurno da okupljanje bivših studenata predstavlja lijepu tradiciju, a s druge, najbolja referenca neke institucije je lista njenih alumniija koja pokazuje gdje rade diplomanti nakon završenog studija. Fakultetske alumni dane je jednostavnije organizovati nego univerzitetski alumni dan: ne koštaju puno, a koristi su velike – nesumnjivo osnažuju saradnju s privredom.

Na pitanje QA menadžera Islamskog pedagoškog fakulteta jesu li ova pitanja već definisana nekim pravilnikom na nekoj organizacionoj jedinici i treba li inicirati izradu pravilnika, prorektor prof. dr. Petković je odgovorio da nije ustrojeno ni na jednom fakultetu niti definisano Statutom, to je samo dobra praksa institucije.

QA menadžer UNZE-a v. asist. dr. Plančić naglasio je da, dok čekamo da stigne finalni izvještaj, aktivnosti na poboljšanju su poduzete, a dodatno treba utvrdi je li potrebno izraditi spomenuti pravilnik. Također je podsjetio da je prošli put predloženo da se pripreme zahvalnice učesnicima evaluacije. U vezi s navednim donesen je

ZAKLJUČAK

Zaduženja definisana na prošlom sastanku Odbora za QA ostaju ista i treba ih izvršavati tačku po tačku.


Doc. dr. Spahija Kozlić treba da na narednom sastanku izvijesti o aktivnostima Pravnog fakulteta na osnivanju alumni-mreže.

Prijedlog v. asist. mr. Denisa Spahića je da se na univerzitetsku stranicu doda web-aplikacija gdje bi bivši studenti (alumniji) mogli davati svoje podatke. Također se i univerzitetska *Facebook* stranica može iskoristiti za okupljanje alumniija, te za reklamiranje.

Sastanak završen u 12.00 sati.


Zapisnik vodila: Lamija Subašić, prof.

Menadžer za kvalitet
Univerziteta u Zenici



/v. asist. dr. sc. Ibrahim Plančić/

Prorektor za međunarodnu saradnju i
osiguranje kvaliteta Univerziteta u Zenici



/prof. dr. sc. Darko Petković/

Dostavljeno:

- Menadžeri za kvalitet OJ UNZE-a (9x)
- Prorektori UNZE-a (4x)
- Generalni sekretar UNZE-a
- Predstavnicima studenata (3x)
- Bibliotekar Univerzitetske biblioteke
- ECTS koordinator UNZE-a
- Amra Muslić, Ured za međunarodnu saradnju
- mr. Dženan Kulović, menadžer Kancelarije za kompetencije i razvoj karijera
- mr. Azemina Durmić, menadžerica Kancelarije za osobe s posebnim potrebama
- Ana Marić – Ministarstvo za obrazovanje, nauku, kulturu i sport ZDK